



大東詩集

二

和	18
822	
2	

特







大東詩集卷之三

東都書肆 藻雅堂輯

五言律

三日西子璉遙壽太夫人

松崎惟時

壽筵猶被禊佳節戀庭闈戴勝桃花  
爛流觴竹葉飛歸心懷陸橘春色深  
萊衣問寢情何已徘徊恐斷機



大東詩集 卷三  
曉度大江山值雪

今

夜發逢飛雪羊腸路轉難  
迴巖遮導炬亂竹撲征鞍  
冰合千溪暗風鳴萬壑寒  
人家雞報曉應漸近長安

移官

今

近侍君恩重優游宦跡深  
從行陳夏諺校獵引虞箴  
獻替終何補遲回媿

夙心素餐孤寵遇惆悵到于今

初秋自鼓岡歸日暮過黑巖山

高木榮

且喜遊仙地散步綠樹邊  
溪迴危石出崖險大川懸  
人語傳空谷猿聲響暮天  
清涼好避暑何日復攀緣

春日石生見過某上人又至喜

賦

今



大東詩集 卷三  
暗聽黃鳥轉坐覺野梅開輕雨催新  
柳春風吹舊醅不期相對客何謂共  
銜杯偶為支公到深知玄度才

僧房

高榮

棲得支公舍松間掩竹扉法雲侵坐  
起倦鳥向林飛花布黃金映僧攀翠  
靄歸斜陽知佛日紫氣見依稀

海亭集調并君雍攜妓

井潛

嬌態誰家女新聲共夜深青春含燭  
影偕老託琴心鴿鴒翩辭坐鴛鴦卧  
抱衾想君二婦艷歸和白頭吟

歸雁

晁知敬

江城歸旅雁月暗一聲高客舍含愁  
柳窻前惹恨桃難堪陟岵意無奈倚  
門勞羨爾凌雲翼遙飛萬里濤



古川大夫席上奉送大夫歸參

州時君侯之愛姬逝矣

正樵夫

江澄楊子岍浙歷度秋風晚樹鳴溪  
鳥寒鐘落井梧感時悲逝水恨別羨  
飛鴻不奈人間世離群本有窮

從軍行

花澤文

漢將征騎虜頻年老朔方烽烟連曠  
野殺氣繞軍場邊月秋如水胡笳曉  
斷腸健兒三十萬誰不憶家鄉

秋日奉寄懷台州先生

滕樸民

隈南海左興依舊滿同盟堂上論文  
醉樽前染翰清雄才誰自進詞客各  
相輕遙憶風流趣應成月旦評

同滕季憑山龍齋登田儀卿山



樓值雨

唐世濟

攀躋憑檻望遠近對樽開墨水中天  
落金龍驅雨來張芝原草聖王粲更  
英才一飲心先醉畱連未擬回

初秋題屈士龍卜居今

屈子行吟罷新秋賦卜居江湖仍不  
負世路漸應踈台嶺霞興夕湯丘月  
出初悲哉是君事搖落興何如

遊山寺

望章

龍宮雲外出秋色滿高林  
纒解三生夢將消五濁心  
蓮花開法相松檜送潮音  
昏黑鐘聲響上方何處尋

奉贈元書記玄川

石宣明

異域憐同道相逢翰墨林  
新花留彩筆嫩柳映青衿  
文史三冬業使臣千



里心漫歌巴客調猶欲問知音

奉贈金書記退石

全

聞君登上第晚進見平津誦頌周良  
史傳經漢老臣濯纓滄浪水擁節搏  
桑濱應有囊中石試看賣卜人

台州先生歸自仙臺余抱病不  
得走謁因賦此奉寄

高木秉

昨夜王喬鶴遙從翠葉還錦囊收太  
藥丹訣駐紅顏夢繞江湖上心飛島  
嶼間幾時能命駕把酒問名山

山居偶成

全

山中吾所愛坐卧對芳樽風送峰頭  
雨烟凝溪上村門前猿掛樹舍外鳥  
窺園遂得冥鴻趣陶然此避喧



季秋某樓望月 中木好問

高樓開夜宴，月影露華清。  
秋與黃花老，風隨玉杵生。  
共傾桑落酒，猶薦芋魁羹。  
遮莫今宵興，隣雞下五更。

病後訪隱者 穉井昭

春來覺神王，攜酒問田園。  
林盡迷幽壑，途長接曠原。  
結茅依樹下，避客似桃源。  
無限烟霞色，蒼茫處處村。

草堂中秋 小川德

閑庭秋月滿，樹色正蕭森。  
雲瀉銀河水，風傳玉笛音。  
耽詩憐永夜，力疾步清陰。  
何減南樓賞，倚牀興自深。

玉河夜釣 秋原慶

新菰綠侵水，驚人白鷺飛。  
月含殘雨淡，魚戲細波肥。  
山寺曙鐘度，石磯夜笛微。  
投竿倚沙岸，坐見曉星稀。



冬至

酒井忠見

至日逢朝霽，待人勸羽觴。  
蘆灰吹報候，仙律動初陽。  
楊柳暗含綠，早梅已放香。  
登樓時一望，萬里彩雲長。

山下結廬

飯田昌敷

結廬山下夕，流水自西東。  
微雨過窓外，涼風入戶中。  
片雲停遠樹，纖月繼殘虹。  
一去鄉園後，徒傷音信空。

玉河夜釣

今

玉河流不盡，千里望漫漫。  
風度林端動，月來水上寒。  
漁舟依岸去，篝火據津殘。  
垂釣輕鷗外，悽其夜已闌。

春日遊玉河

上田亨

春水玉河漲，蒼蒼兩岸明。  
風吹波激石，日暖柳葳蕤。  
何減乘槎興，空思擊楫情。  
村壚酒新熟，小釣有魚羹。



聞雁

千賀暢政

雨後新晴月忽看，鴻雁飛連空。橫草字隔岼下，江湄旅夢懷家切。羈居得信稀，鄉園千里外。對爾思依依。

初秋訪山居

土岐直休

林溪徂暑早，秋色入柴扉。鴻雁數聲度，梧桐一葉飛。薜蘿依戶密，竹樹遶家圍。此賞常難得，論心夕未歸。

秋夜思友人

土屋昌安

月明庭上露，秋色正蕭條。赤阪人煙隔，霞關道路遙。清輝殊自愛，濁酒亦誰邀。應想幽居子，孤琴永夜調。

青樓曲

山本守道

画眉傾國女，粧就倚樓臺。留客暮雲過，當階春月來。珠簾桃李映，翠幌管弦催。燭淚看將曉，興酣猶勸杯。



泛舟賞月歸路宿山寺

相川孟

扁舟乘興處，偏愛暮江秋。  
月出征帆白，風來漁火幽。  
遙看煙外寺，已上霧中樓。  
萬慮都消盡，梵音聽不休。

栽松

近藤篤

移得徂徠產，栽培傍州堂。  
未能堪避雨，早已足凌霜。  
期汝施廊廟，捧君為棟梁。

棟梁何作波濤韻，佳興滿幽莊。

答西川子璉見贈

全

不為羈絆，隱市滌塵襟。  
非獨還丹術，能兼愈疾吟。  
桂叢秋露溼，薜幄月華深。  
時就鍾期去，因彈流水音。

夏日朝曦亭集同樂仲艾田子

凱江士實西子璉石叔符宇



浩然員默之賦分得十二侵

田千秋

消却人間熱涼風好拂襟閑雲隨醉  
卧爽籟入清吟夏木臨溪老烟郊接  
坐深晚餐能抵肉藜藿愜初心

佃洲漁家待月 鷓孟一

東岼漁家滿過逢薄暮時鱸魚聊可  
貫壺酒且相隨風急潮來早雲垂月

上遲金波漸生色眺望未成詩

留別西子璉西時留游學

藤共建

共為東武客杯酒屢交遊羈官周年  
恨祖筵今日愁吾歌彈鋏去君憶斷  
機留早待三遷學業成歸故丘

蘭 西川瑚

九月空山曲幽蘭花自開瀟湘秋水



淨楚澤暮雲迴隱士瑤琴弄佳人雜  
佩裁天風芳氣動日夜正芬哉

寄岡公修

今

登樓多晚色蕭瑟送西風城樹含晴  
氣江天落彩虹芙蓉秋水外鴻雁夕  
陽中憐爾耽光景詩篇更自工

海晏寺見楓

小瀕敬

繫馬楓林暮香堂醉客違北風霜葉  
落南海雨花飛金地蚩公械錦雲蜀  
女機與來多笑語何得寂禪歸

從軍行

紀弼

漢王推轂去飛將向樓蘭不厭邊城  
苦祗思社稷安隍風金鼓動朔雪鐵  
衣寒欲拂胡塵色征人撫劍看

戊子立秋有感 原公逸

先人棄孤日霜露十三年綠樹秋風



動蒼旻夜雨懸不終藜藿養空感  
我篇墳墓千餘里自慚柳李賢

夏雨訪文龍居分韻

安修

適思三徑趣行訪蔣元卿夏雨黃梅  
熟薰風翠竹清祗應被薜荔何用繫  
冠纓相得幽襟好新詩向晚成

新晴泛舟得清字

赤松豐泰

晚天雲霧散遠近有餘清好泛蘭舟  
去更侵牛斗行涼風吹不盡山色爽  
相迎忘却塵中境飄然嘯月明

遊山寺

槻積

春開祗樹林幽興此相尋空翠入欄  
濕雨花繞徑深登臨雲外賞厭劫世  
中心日暮松濤起蕭條和梵音



春日遊兜率園

岍鳳質

香閣風塵外，上方春靄然。霽池生艸，  
碧石層嶺，疊霞鮮。崩秘梅檀樹，雲深兜  
率天。遙聞喬木鳥，睨眈轉經筵。

丘中春卧寄人

源維亮

一丘春自滿，閑卧暖花陰。仙境移來，  
是靈源。不必深啼鶯，頻喚友流澗。屢  
鳴琴，唯願故人到，相看論此心。

花下飲得新字 源師道

三月侯園宴，陪游池上。春風香，花作  
蓋。日暖草為茵，酒浸紅霞。美詩傳白  
雪，新習家何限。興倒載，屬誰人。

尋友人莊

峰駿

高山君子墅，寂在碧流淶。空翠通花，  
逕丹泉繞竹林。風薰茶冊起，雲把篔  
門深。暫作幽莊，與坐聞綠騎琴。



觀騎射圖

釋道潮

新圖揮筆妙披覽画工難矯矢馳金  
埒翻身倚玉鞍曾無貫虱技自有號  
猿看蹴踏數千里翩流血汗

九日

源宗澹

相逢九月九雁影秋夫寒雲密連孤  
牖雨飛濕石欄自無落帽與誰有登  
高歡憶此重陽色依然去歲看

送槐菴還西肥赴東與

餘承裕

憐君還萬里負笈幾方游地盡東西  
海天分南北州多年旅牕月明日故  
園秋去矣親猶在勿令為兔流

觀獵

源美德

將軍遊獵日意氣凜霜威雪盡騎爭  
逐風寒草自稀應弦紫兔殪隨手蒼



鷹飛不識斜陽落 紛紜晚未歸

偶成

岡正懋

天地存吾道 誰知本獨來 唯能從物  
化 不必厭塵埃 閑坐忘生理 素心屬  
死灰 終年何所適 夢裡日悠哉

雪中懷友人

大田覃

北風吹夜色 雨雪故霏霏 林下全埋  
徑 牀前半掩扉 長懷招隱士 更擁  
禦

寒衣自有山陰興 偏追積素飛

墨水泛舟八首

内田叔明

時薩藩今并季 哲川上子欽  
伊地知子允 邀伊東玄朗 栗  
生玄羽青木君 煒及余同賦

分韻

合

理權出江郭 乘風泝素波 朱樓兩畔  
列画舫 中流多津樹 葱蘢換野鷗 泛



泛過追涼都會客，總唱大堤歌。

其二

合

居然就幽地，轉愛此身閑。揮筆聊成咏，飛觴已解顏。練光三派水，黛色二州山。欲逐仙槎去，俱干牛斗還。

其三

合

江天暑炎烈，郊墅午陰濃。歌似滄浪唱，趣疑濠濮逢。除煩元汗漫，鼓柁自

從容。行望夏雲色，聳為奇絕峰。

其四

合

王孫去，千載江草為誰芳。幽寺長堤外，荒祠古渡傍。垂楊蔭水動，泛鳥近船翔。誦罷遠遊賦，詞人空自傷。

其五

合

歸棹順流疾，清波洗盞新。玄談移熾日，晏坐隔囂塵。珠閣金龍嶺，旗亭白



馬津宛如御風去俱是謫仙人

其六

合

盪舟從所適不必問前津竹嶼方宜  
夏花川更待春獨憐垂釣客誰愛浣  
紗人放浪終何似浮萍比此身

其七

合

江口千帆迥風多落日涼潮流連海  
濶橋勢架空長已膾鱸魚大兼賒桂  
醕香鳳城麗天畔遙見彩霞揚

其八

合

城東千萬戶絲管自成隣此會正無  
限吾曹亦不貧綿連倚樓妓絡繹度  
橋人向夕烟波起天空片月新

北圃仲温母七十壽時余母亦  
將就養喜而賦

河世寧



高堂張宴日我亦戀庭闈膝下開懷  
橘天涯慰斷機竹光浮綠醕霞彩落  
斑衣共喜南山壽千秋仰翠微

秋盡夜思 今

寥落者人事蕭條感歲華寒天今夕  
雨歸夢故園花雁影長空斷燈光五  
夜斜誰憐幽獨思遠到各天涯

河君士鉉遠遊還賦贈

室長羽

遠遊君事業技就比扁倉江左避三  
舍牆東極一方裁詩屑金玉開卷吐  
芬芳始信今年會攜來瓊浦光

題桃源画 今

吟棹問津客悠然水一涯攀來鷄犬  
近顧望漁舟賒紅點長流外雪飄數  
里花繽紛源上興不覺到仙家



詠杜鵑

林直卿

春鶯今老矣，待爾獨沈沈。  
影失楚雲遠，啼翻湘水深。  
暮花伴殘夢，眇月動歸心。  
目送江城曉，西風透綠陰。

侍宴

東轍大王望岳亭奉和 尊韻應

教

源鱗

高亭觀世界，初地現東方。  
樹綠諸天霽，池清五月涼。  
仙霞臨綺席，嶽雪映詞場。  
况喜西園宴，追隨侍法王。

送別朝鮮四文客 全

並馬辭東道，聯翩不可停。  
春逢歸雁日，天限使臣星。  
別意攀津柳，羈心數驛亭。  
他時相憶處，風雨杳冥冥。

首春過葛陂

藤集澤



東郊春遍否探勝葛陂頭漫駕長房  
杖或誇山簡流岸花看漸發谷鳥坐  
相求賒酒知何處將隨漁者謀

余同子業奉使牛峽因此有寄

井通熙

並命迎韓客雄藩授節旄明珠千里  
合白雪兩情高擁傳常山道乘槎牛  
峽濤國華旋可望報爾莫徒勞

送子真遊函嶺 合

函嶺秋雲起羨君移疾時丹梯攀桂  
樹仙液入滄池到處煙霞滿別來鴻  
雁遲相憐棲隱地莫負鹿門期

潮音閣

合

縹緲諸天曙峻嶒高閣秋龍華明月  
迥雁塔白雲愁檻外三山樹窗中萬  
里舟觀濤枚叔賦何處寄同游



醉後

岳融

落<sub>レ</sub>千秋恨悠<sub>レ</sub>一醉時狂歌忘歲  
晚短髮任風吹神欲徒相動世情更  
不知楚臣擬此趣何抱獨醒悲

田家秋望

古孝興

郊村霜後路樹<sub>レ</sub>更蕭森天近雲生  
岫山深鳥下林田中秋雁落月裡夜  
鐘沉十里無人跡只聞處<sub>レ</sub>砧

遊山寺得啼字

釋廣流

淨地人烟外杳然望不迷坐來山遠  
近濟味路高低作賦思台嶺過橋似  
虎溪百花常住色庭際鳥啣啼

員默之宅同觀文徵仲蜀道圖

得毛字

入江貞

鬱<sub>レ</sub>律蠶叢路画中看亦勞巴山分近  
遠蜀棧出低高將嗽泉邊石似聞松



杪濤主人元愛客不厭紙生毛

送石君潛歸豐城

合

秋色斷鴻去寒聲嘶馬分驚心豈惟  
我惜別總留君歲月交非淺才名特  
出群豐城孤劍氣更自映星文

夏日西村謾興 合

出郭求幽趣夷猶西甸邊獵場占野

色園邱闕人烟風逕投桃贈涼垣倒  
竹編仙遊應不遠候氣思頻玄

富嶽群鶴圖

紀德民

富嶽青天外高飛白鶴群霜毛連積  
雪玉羽綴流雲一道分仙路千尋出  
世氛都忘圖畫巧神往入氤氳

悼奴八

宮田明

廿歲勞薪水偏憐白髮侵鹿頑言可



大東詩集卷三  
七三  
惡愚直志愈深久嗽呎孔血臨終見  
赤心掩埋徒斂形哀痛淚難禁

山中

釋周全

衡門雲霧外常鎖絕逢迎間對殘香  
影空聞落葉聲飛霜鬢半白皓月意  
全明高枕流水色深甘獨樂情

上玉龍洞芳禪師

釋大道

雲樹陰、地中眠沒角龍水聲幽萬  
壑山氣遠千峰都絕人天迹何聞世  
俗訟法輪常轉處是以為宗

墨水泛舟

岳子蕩

相遇招堤客隨流避暑船如何天上  
坐堪試醉中禪萬樹催秋色千山起  
暮煙夜來觀水月心地轉悠然

春日所懷

泉豐



春歸武城下花卉總芳菲歲月如流  
水風塵未拂衣朱絃相識少白壁與  
時違陟彼西山路行歌欲采薇

塞下曲

全

雁度受降城兵屯漢將宮風沙年已  
暮刁斗夜將明帶雪紅旗正含霜画  
戟橫三軍競防虜只聽鼓鼙聲

歲暮尋隱士

黑澤嚴恭

偶遊人境外行對白雲深亭傍寒江  
水人疎古木林交歡忘濁世沈醉作  
清吟逸興回頭處西山帶夕陰

送友人

藤之猷

對酒高樓上蕭々此夜情含杯愁遠  
別看月坐深更庭樹露光冷江天曙  
色明堪聞班馬恨併有雁群鳴

家居苦熱邀諸子太聖院納涼



分韵

斐克文

避暑依蕭寺地靈與更長松間常霧  
雨竹裡自秋涼把酒忘塵事揮毫對  
夕陽交遊千里駕相喜見嵇康

三日

釋秀今

畦服尚風塵偶逢脩禊辰流觴何處  
宴駐錫故園春柳色含煙嫩桃花帶  
露新溪邊藉草坐終日有鷗馴

又

今

雪盡數峰賒佳辰處處花雖無玉壺  
酒猶有石爐茶日暖嬌鶯轉風輕弱  
柳斜禪心眩美景暫欲入詩家

春真

倉賢

陽春可憐色駘蕩滿江臺遮莫流年  
速且欣淑景回日長鶯語緩風暖杏  
花開將著登山履試嘗濟勝才



獨酌得故人書 服元立

柴川無客至，間坐憶同盟。忽有孤鴻落，深知雙鯉情。故園千里夢，濁酒短歌行。彼此一時恨，杯樽懶獨傾。

某君山池宴集二首

全

幽莊塵外，與開宴碧池。涯揮筆依青壁，傾樽弄夕霞。清深堪漱石，漂渺欲

浮槎。戀賞歡無盡，誰回落日斜。

其二

全

散步探幽勝，轉知侯苑深。楓飄水上，錦松響丘中。琴乘與消林日，忘機弄諸禽。自非塵外意，誰會謝公心。

雨發一屋河邊買舟

片猷

河邊橋半斷，恰值下江舟。同載煙霞



疾那嫌風雨愁桃花通一水  
凌浪劃中洲蓬窓談入港  
記取去年遊

詣勝尾寺山中作

葛張

般若臺何處山雲望欲迷  
幽花開夾路喬木伐橫谿  
迎客泉如語呼儔鳥自啼  
迂迴猶未到寺在數峰西

題隱居圖

伍貞於

避世青巖下誰能靜卜居  
林丘伴猿鶴溪澗對樵漁  
雲裡無心去窓中攤卷舒  
山靈終不怒遂隱此空虛

南樓夜雪

山盈

城南樓上望晴色倚欄時  
唱起幽蘭曲歌來招隱詩  
平原雲氣凍比屋月光垂  
不敢乘船去臨風有所思

客中至白

釋方圓



東坡詩集 卷三  
園林晴曙色短景候佳辰天地初陽  
復山川雲物新柳絲看占暖鳥語暗  
催春行邁爭駒隙最驚羈旅人

靈山

源衡

陰嶺攀雲路東南豁遠開遙夫碧空  
盡萬里白波來虛谷清泉響深林寒  
鳥哀無非看勝景石上坐青苔

過太室村吉祥院

智川潤

香刹無塵地寂寥大室東窓前枯洲  
白門外晚霞紅仙梵響祇樹清鐘接  
野風此幽難可買不月讓支公

郊行

文耕

城中多俗事郭外偶豪遊鹿食誰應  
厭孤樽獨解愁山河移步動林鳥馴  
人留風詠浴沂客徘徊對夕陽



夢探勝值雷雨 岳融

春眠何處去探勝夢中耽雲氣觸峰  
石電光衝晚嵐山鳴雷號天黑雨  
麤流汗沾衣袂覺來拭面談

歲暮感懷 源敏樹

官舍青雲沒雪深過客稀簞瓢寧恥  
陋五十未知非自分馮唐老何悲  
子微偏醞椒栢酒林苑待芳菲

十六夜無月懷月樓小酌同子

德子威賦 山惟熊

待月掃蓬蒿登樓薦濁醪雲容窺素  
燭鬼影晴揮毫懷裡壁爭照樽前歌  
自高故人乘興處曉露問綈袍  
雪中對酒分韻得麻字

江良顛

風雪哀門裡蕭條人跡賒吟詩憐柳



東坡詩集 卷三 三十一  
絮把酒對梅花白鷺迴溪沒黃烟繞  
樹斜一樽堪盡興何訪戴逵家

觀獵

蓋延齡

萬乘從君王旌旗繞獵場虎賁怒風  
奮龍騎裂雲揚白羽豺狼盡翠華鸞  
鳳翔明時無佚老不問渭濱陽

田豫由從山公治水于東海道  
諸川今也卒事而歸因賦贈

服圭言

蒼生苦昏墊堯德乃除憂金谷桃華  
候龍川雨水流浸波連大堰壘石傍  
長洲見說河堤使成功竹帛留

相中覽古

二十首中  
之一

扶搖公子

相中昔全盛新廟照雄都世運滄桑  
變城墟日月徂松陵人闋寂華表鶴



號呼猶餘靈光似巋然鎮海隅鶴岡一名

松陵

日本橋春望

長孺公子

日本橋頭望繁華城市連溝渠通海  
遠樓閣入空懸萬戶陽春雨千門楊  
柳煙看他裘馬子附鳳競朝天

春日感懷

木衆

玉芝山谷口啼鳥未開門濁酒惟期

醉素琴獨遺喧寂寥無識字教誦有  
窺園耻用飛蓬髮還迎春艸繁

春山晚行

阿正識

空山歸路遠雨後淨無塵鳥弄溪頭  
樹花開洞裡春幽篁猶卧雪草徑始  
迎入醉復東風好殘陽自隱淪

秋日登古墟有感

不破宣尹



誰執豪華架空為荒壘秋艸深人跡  
絕松舊午陰幽雙嶂挾雲秀一川衝  
海流風光餘昔日千載不禁愁

患癱疾臥中作 今

殘菊逢霜日患風潛帳幃多年兼願  
背萬事與心違夔足尚應擬鷄身還  
絕依蹉跎江海志初識一生非

大東詩集卷之三終

大東詩集卷之四

東都書肆 藻雅堂輯

五言排律

送子涉入信中 井通熙

攬轡關河壯看君叱馭行岩崑青壁  
斷迢迢白雲生馱嶽銷春雪鵝湖對  
古城石潭勞險阻板屋喜逢迎幽壑  
飛泉暝怪巖喬木平溪中魚作膾牀



大東詩集 卷四  
下卯為羹，舊國還家，夢他鄉逆旅情。  
明朝懷餞，席惜此別，尊傾。

冬夜招仙樓觀某山人圍棋六

韻

安修

招仙樓上宴，白雀自雲端。坐客圍棋戲，傍人袖手觀。  
挑燈花燼落，下石雹聲寒。綠酒樽無盡，銀壺漏欲闌。  
忽疑城市遠，不管歲年殘。但恐斧柯爛，適

同黃綺歎

答寄田臯鶴

松崎惟時

信陽窮地險，岐嶮擁峯形。伐木凌懸棧，攻駒滿近坳。  
是邦稱出將，之子事傳經。分手愁匆遽，懷人隔杳冥。  
嶽蓮天際白，山火雨中青。吟眺多佳句，偏從病客聽。

送赤松大業從赤穗侯入部兼



省觀

全

岳牧鎮山陽師儒表海方象賢初就  
國託乘却還鄉地接高砂敞江銜赤  
石長公卿紛問政弟子各成章王事  
兼將母家傳在上堂舞衣裁五色雙  
映舊詞場

西川子璉從鎮臺小管公赴南  
都便道歸省賦此贈之

野公臺

上客從星使留都鎮帝畿皇華行  
色壯珠履主恩輝便路過鄉近孤雲  
傍馬飛長歌將母諭千里望閭歸陟  
屺思懷橘趨庭奉斷機秋風欣靜樹  
春酒侍慈闈稱壽顏常喜懸孤志不  
違知君將畫錦裁作老萊衣

湘靈鼓瑟

西川瑚



鼓瑟蒼梧夕，弔靈湘浦陰。微風傳妙曲，綠水響清音。調急波搖樹，聲悲雨過林。難禁班竹淚，空憶采蘭心。北堵寒烟斷，黃陵落月沈。不知帝子怨，唯見曉雲深。

奉壽家夫人五十初度

家夫人年甫五十矣，誕辰在三月三日。二弟開壽筵於家。

不肖瑚遠遊在東都，不獲侍上壽於堂。遙賦此奉賀。

全

開筵湖水曲，佳節歡偏長。簾外仙禽下，窓前玉樹香。祥雲遙照宴，永日共彌觴。霞彩紅顏駐，春風斑服揚。嘉賓頌已就，阿母壽無疆。三月桃花酒，何因獻北堂。



擬春日早朝

全

漏盡星初落，九天分曙光。  
曉雲連畫棟，旭日照雕梁。  
上苑嬌鶯囀，瑤階青草芳。  
東風搖翠蓋，春色駐羅裳。  
端笏趨金殿，含香入建章。  
恩波誰不浴，列侍鳳池傍。

仲夏隨田夢鶴飲，允得墅同諸

子賦

入江貞

別墅幾回過，機心都欲遺。  
眼中山與水，胸裡酒兼詩。  
綠樹紛相對，文材任所資。  
避吟盤小徑，懶醉枕清漪。  
南岳通金響，北窓來爽颺。  
偏堪忘畏日，重許有幽期。  
遠近名園富，郊村散步移。  
偷閑雖不少，引興可從滋。  
鵲喚雲何處，雨晴天一涯。  
恨因先賞屢，得句更難奇。



送某公從

大駕登祀日光山

廟

今

帝貽天室輔邦遇太平時霸氣紛長  
 歇廟謨允在茲深仁修版蕩厚澤建  
 恩私昔據駿州府今享毛野祠神功  
 諒不測介福信無期嚴蹕移  
 瑤駕從官轉素旗山壇標大樹日觀

拜鴻基盛樂寧雍徹至誠惟孝思藻  
 奠申敬禮茅縮致虔祇綺幣自非獻  
 瓊筵難濫窺崇、開壯麗肅、履明  
 規匪稷馨其德事邁存有司電雷奮  
 後起風雨灑前馳雪盡冷靈寢嵐頽  
 搖錦帷中峰人鬼代半嶺夏冬疑水  
 暗朱梁穗松高翠蓋隨田租免三歲  
 市賈得餘資韜武周新令輝文漢旧



大東詩集 卷四  
儀諸族常補葺宗室護藩籬竊喜流  
祥慶四方承壽祺

田子亮六十初度小酌

谷友信

壽域開詞社休官發興豪  
潛居宜織席會友即同袍  
霧霽南山樹天迴巨海濤  
花邊鶯出谷日下鶴鳴皋  
耳順雙華髮名流舊彩毫  
懸弧真氣壯說

劍客星高釣向滄洲把琴將  
白雪操逢君心既醉不待薦  
醇醪

訪峽中隱者

高榮

躋攀五百里峽路足難移  
蘿月深秋冷松濤徹夜吹  
叢林歸鳥宿幽岫散雲奇  
閑發蘇門嘯行吟商嶺詩  
途思阮籍哭岐識楊朱  
悲藜杖身輕日山花手折  
時偶尋遺世士此見練丹師



下壑三千尺，相隨採紫芝。

送田道甫之勢南

林直卿

一曲離歌罷，冬天殘月微。  
河橋烟漠漠，驛舍柳依依。  
仗劍杯堪駐，裁詩筆漫揮。  
舟浮桑海遠，路入鹿山歸。  
驥足分春草，蚌珠照客衣。  
故園杏林下，應是醉芳菲。

柳陌聽早鶯

伍貞於

曉曉遷幽谷，朝來轉渭城。  
枕頭驚夢至，陌上添愁迎。  
已掛千條色，能留萬里行。  
樓臺深隱映，律呂靜分明。  
白日金鞍影，黃昏玉笛聲。  
陽關如作曲，忽起別離情。

遊某處士山房

井慎

苔深留屐跡，機息絕塵氛。  
莫熟猿常



到松高鶴出群玉笙虛谷應赤日遠  
峰分玄理心頭淨茶烟牕裡芬草堂  
忘好爵林澗誦移文幽賞恣無借巖  
門鎖白雲

矢口懷古

稻垣長和

猛將良家種朝廷石畫臣風雲重自  
合雨露尚猶新寶鼎遷南嶽天氣犯  
北辰糾紛誰克解戰伐各相瞋軍據

越毛起詔馴州郡頻威稜常走敵妙  
策數驚人被誤姦邪賊忽亡經濟身  
昊天何不眷鴻業竟難振餘勇傳寰  
宇遺蹤問水濱荒涼祠廟色吊古一  
傷神



大東詩集卷之四

九

大東詩集卷之四終





